



## ПРЕЗИДЕНТ МАРАТ АХМЕТЖАНОВТЫ ҚАБЫЛДАДЫ

**Мемлекет басшысы Сыбайлас жемқорлыққа қарсы іс-қимыл агенттігінің төрағасы Марат Ахметжановты қабылдады.**

Президентке агенттіктің 2021 жылы атқарған жұмыстарының нәтижелері мен тексеріліп жатқан қылмыстық істер туралы баяндалды.

Марат Ахметжанов Президентке Сыбайлас жемқорлыққа қарсы саясаттың 2022-2026 жылдарға арналған тұжырымдамасын іске асыру жоспарын таныстырды.

Қазір Парламентте заңсыз байығаны үшін жауапкершілік енгізу және сыбайлас жемқорлықты әшкерелеушілерді қорғау жүйесін қалыптастыру мәселелеріне қатысты заң жобасы қарастырылып жатыр. Бұл норма мемлекеттік қызметшілердің кірістері мен шығыстарын бақылауға мүмкіндік береді.

Қасым-Жомарт Тоқаевқа Сыбайлас жемқорлықпен күрес тұжырымдамасын жүзеге асыруға барлық мемлекеттік орган тартылатыны туралы мәлімет берілді. Сыбайлас жемқорлыққа қарсы іс-қимылға қатысты қабылданып жатқан шаралардың толық атқарылуы бойынша әр ведомствода жауапты адамдар бекітіледі.

Мемлекет басшысы тұжырымдаманы жүзеге асыру үшін ұсынылған тәсілдерді қолдап, агенттіктің осы бағыттағы үйлестіруші рөлін күшейтуді тапсырды. Президент бұл жұмысты ерекше бақылауға алды.

Кездесу қорытындысы бойынша Қасым-Жомарт Тоқаев сыбайлас жемқорлықтың алғышарттарын жоюға, қылмыс тәсілдерін әшкерелеуге және жемқорларды жауапкершілікке тартуға бағытталған жүйелі жұмысты жалғастыру жөнінде тапсырма берді.

## Украина төңірегіндегі жағдайды жіті бақылап отыр

«Әрине, Президент Украина төңірегіндегі жағдайды жіті бақылап отыр. Бұл мәселе Владимир Путинмен өткен кездесуде талқыланды.

Мемлекет басшысы келіссөз қорытындысы бойынша «жақсы жанжалдан жаман болса да бітім артық» екенін айтты. Басқаша айтқанда, ымыраға келу үшін нәтижелі дипломатиялық келіссөздердің жалғасқанын жақтайды. Президенттің айтуынша, еуразиялық қауіпсіздіктің бөлінбеушілік қағидатын ұстанған жөн, оның үстіне бұл қағидат 2010 жылы қабылданған ЕҚЫҰ-ның Астана декларациясы мәтініне де енгізілген», – деді Берік Уәли Tengrinews.kz тілшісінің сұрағына жауап беріп.

## Абзал Әжіғалиевке қолдау жеделхатын жолдады

Президент «Бейжің-2022» XXIV қысқы Олимпиада ойындарының қатысушысы Абзал Әжіғалиевті қолдап, жеделхат жолдады. Бұл туралы Президенттің баспасөз хатшысы Берік Уәли Facebook парақшасында жазды.

– Қазақстандықтар өзіннің «Бейжің-2022» XXIV қысқы Олимпиада ойындарында көрсеткен өнерінді асқан қызығушылықпен тамашалады. Олимпиаданың ашылу салтанатында көк Туды желбіретіп алып шықты. Өз жанкүйерлерінің сенімін ақтап, шорт-тректен 500 метрге жүгіруде финалдық бәсекеге дейін жетіп, нәтижесінде 4-орын иеленді. Бұл осы спорт саласы бойынша жоғары көрсеткіш екені анық, – делінген Мемлекет басшысының жеделхатында.

Қасым-Жомарт Тоқаев спортшыға дүбірлі додада нағыз ерік-жігер көрсеткені және жеңіске деген ұмтылысы үшін алғыс айтты. Сондай-ақ оның алдағы уақытта үлкен жетістіктерге жетіп, отандастарымызды қуанта беретініне сенім білдірді.

## Ана мен баланың ажалына араша бар ма?

Шырылдап дүние есігін ашқан шақалақ жасқа жетпей жарық әлеммен қоштасатын болса, перзентханаға үлкен үмітпен барған ана үйіне қайтып оралмаса, бұдан артық қасірет бар ма? Бүгінде Дүниежүзілік денсаулық сақтау ұйымының статистикасы бойынша, Қазақстан ана өлім-жітімі санынан әлемде 42-орында, ал бала өлімі бойынша 79-орында.



5»

## Соттың құзыреті қандай болмақ?

Қазақ елінде жүріп жатқан саяси, әлеуметтік және экономикалық жаңғырулар жаңа сот жүйесінің қалыптасуына ықпал етті. Биліктің бұл тармағы түбегейлі реформаларды бастан өткізіп жатыр. Келесі 2023 жылы Жоғарғы Сот кейбір құзырынан айырылуы мүмкін. Сонымен бірге бұрыннан біте қабысқан, ым-жымы бір судьялар қатарына заңгерлер, адвокаттар, құқықтанушылар және басқа мамандар араласып жатыр. Енді би болу үшін судья өтілінің болуы да қажет емес. Салада қандай өзгерістер жүрде, тағы не күтіледі?

### ЖАҢА СОТТЫҢ ЖАҢАЛЫҒЫ НЕДЕ?

«Қасіретті қантар» оқиғасынан кейін өткен жиындарда Мемлекет басшысы Қасым-Жомарт Тоқаев сот жүйесі түйік судай тоқтап қалмайтынын, терең өзгеріске түсетінін білдірді. Мысалы, 1 ақпандағы Сыбайлас жемқорлыққа қарсы іс-қимыл мәселелері жөніндегі кеңесте ел Президенті соттардың сапалы қызмет атқаруы үшін нақты шаралар қабылданып жатқанын жеткізді. Жаңа Қазақстанда «талапқа сай келмейтін судьяларға орын болмауы тиіс».



3»

## Айыппұлдың жүгі ауыр



Қазақстанда жүргізушілер Жолда жүру ережесін бұзғаны үшін ТМД елдері ішінде ең көп айып төлейді, оның мөлшері тіпті бірқатар Еуропа мемлекеттерінен де асып кеткен. Бірақ біздің өмір сүру деңгейіміз Еуропадағыдай емес. Алайда айыппұл көлемін арттыра беру заңбұзушылықтың санын қысқарта ма?

4»

## Субсидия жыры

Жыл басында Сыбайлас жемқорлыққа қарсы қызмет үш өңірде – Шығыс Қазақстан облысы, Жамбыл облысы мен Маңғыстау облысы Ауыл шаруашылығы басқармасының шенеуніктері ұсталғанын хабарлаған еді. Үш бірдей өңірден ұсталған шенеуніктерге қандай айып тағылып отыр?

4»



## Төлебиде тау шаңғысы барын білесіз бе?

Оңтүстіктің жазы ұзақ, қысы қысқа. Сондықтан болса керек, жазғы демалыс орындары көптеп кездеседі. Ал өңірдің таулы аймақтарындағы тұнып тұрған табиғат туризмге сұранып-ақ тұр. Әсіресе, Төлеби ауданының тау жоталары мен қыраттарының салқын самалы қаланың қапырық ауасынан қашқандарға пана болып келеді.



Шымкент қаласынан бар-жоғы 45 шақырым қашықтықта орналасқан Түркістан облысына қарасты Төлеби ауданындағы Батыс Тянь-Шань тауының етегіндегі демалыс аймақтарының қатары жылдан-жылға артып келеді. Бүгінде мұнда ине шаншар артық жер жоқ. Соңғы жылдары демалушылар қарасының көптігі сонша, алдын ала тапсырыс бермей бара қалсаңыз, 500-ден аса демалыс орнынан бос орын таппайсыз. Бұл демалыс орындары болашақта өңірдің әлеуметтік-экономикалық жағдайын жақсартып бермей жоспарланған. Сондықтан қысқы демалысқа да көңіл бөлініп, 2003 жылдары таудың ең биік шыңына шаңғы базасы салынды. «Алатау» тау шаңғы базасы аудан орталығынан 25 шақырым қашықтықтағы «Тау Самалы» шатқалында орналасқан. Шаңғы жолының ұзындығы – 1 300 метр. Бір мезетте 1 000-нан астам адамды қабылдауға мүмкіндігі бар тау шаңғы базасының бүгінгі халі қандай?

(Жалғасы 7-бетте)

## Көпбалалы аналардың дауы... Масылдық па, мұқтаждық па?

Астанада өртенген үйде қалып қойған бес қыз баланың қазасынан кейін бізде билік санасын топ пайда болды. Ол – көпбалалы аналар. Оның ішінде аядай жерде пәтер жалдап, мүгедек баласын тәрбиелеп отырған көмекке мұқтаж көпбалалы аналардың бары анық. Бірақ басында үйі, астында көлігі бар, төрт құбыласы түгел бола тұра Үкіметтен жәрдемақы, азық-түлік, тегін үй талап ететіндері де жоқ емес. Сонда бұл мұқтаждық па, әлде масылдық па?



5»













